



UNIVERSITETI I PRISHTINËS
UNIVERSITAS STUDIORUM PRISHTINIENSIS

Nëna Terezë, 10000 Prishtinë, Republika e Kosovës

Tel: +381-38-244183

Fax: +381-38-244187

URL: <http://www.uni-pr.edu>

Mail: rektorati@uni-pr.edu

Universiteti i Prishtinës shpall

KONKURS PËR PLOTËSIMIN E VENDEVE TË LIRA PËR REGJISTRIMIN E STUDENTËVE NË VITIN E PARË TË STUDIMEVE, PËR VITIN AKADEMIK 2010-2011

Universiteti i Prishtinës, në vitin e parë të studimeve, në konkursin plotësues, për vitin akademik **2010-2011**, do të regjistrojë **3471** studentë, prej të cilëve **3134** studentë të rregullt dhe **337** studentë me korrespondencë.

Universiteti do të regjistrojë edhe **181** studentë të rregullt nga Shqipëria, Maqedonia dhe Mali i Zi, si dhe **139** studentë nga minoritetet: turq, boshnjakë, romë, ashkalinj dhe egjiptianë.

Të drejtë pranimi në Universitetin e Prishtinës kanë të gjithë kandidatët të cilët e kanë përfunduar me sukses shkollën e mesme në Kosovë dhe e kanë diplomën për shkollimin e kryer.

Në Universitet mund të pranohen edhe studentët nga shtetet e tjera, në bazë të kuotave të përcaktuara nga MASHT-i.

Kandidatët jokosovarë dhe minoritarë kanë të drejtë të konkurrojnë dhe të pranohen vetëm në kuotat e parapara për ta.

Kandidatë jokosovarë konsiderohen ata kandidatë që e kanë mbaruar shkollimin e mesëm jashtë Kosovës dhe me rastin e paraqitjes në konkurs, duhet t'i kenë të nostrifikuar dokumentet e shkollimit.

Njohja (nostrifikimi) e diplomave bëhet në Ministrinë e Arsimit, Shkencës dhe Teknologjisë.

Kandidatët që refuzohen mund t'i paraqesin ankesë Këshillit të Fakultetit, të njëjtën ditë kur janë njoftuar për rezultatet e provimit pranues. Pas këtij afati, ankesat nuk do të pranohen. Këshilli merr vendim për ankesën ditën e nesërme.

MËNYRA E PËRZGJEDHJES SË KANDIDATËVE

Përzgjedhja e kandidatëve behët sipas këtyre kriterëve:

1. Për nxënësit që kanë diplomë për kryerjen e shkollës së mesme e nuk kanë pasur provim të maturës, si dhe për kandidatët që paraqiten për pranim në Universitetin e Prishtinës e të cilët nuk e kanë kryer shkollën e mesme në Republikën e Kosovës:

Numri maksimal i pikëve sipas kriterëve vijuese është 100:

- Deri 20% të pikëve mund të arrihen nga suksesi në shkollën e mesme dhe
- Deri 80% të pikëve mund të arrihen në provimin pranues në fakultet.

2. Për nxënësit që kanë diplomë për kryerjen e shkollës së mesme dhe e kanë dhënë me sukses provimin e maturës:

Numri maksimal i pikëve sipas suksesit dhe provimit pranues është 100:

- Deri në 20% të pikëve mund të arrihen nga suksesi në shkollën e mesme ,
- Deri në 50% të pikëve mund të arrihen nga provimi i maturës dhe
- Deri në 30% të pikëve mund të arrihen në provimin pranues në fakultet

Secila dëftesë e shkollës së mesme të lartë vlerësohet mbi bazën e suksesit maksimalisht me pesë pikë.

Për kandidatët nga pika 1. në Provimin pranues, prej 80% të pikëve, 40% të pikëve mund të arrihen nga pjesa teorike dhe 40% nga pjesa praktike.

Për kandidatët nga pika 2. në Provimin pranues, prej 30% të pikëve, 15% të pikëve mund të arrihen nga pjesa teorike dhe 15% nga pjesa praktike.

Fakultetet e organizojnë mbajtjen e provimit pranues më së shumti në tri lëndë mësimore, të cilat i caktojnë vetë fakultetet.

Fakultetet me specifika të veçanta organizojnë provim praktik në lëndë dhe disiplina përkatëse.

Nëse numri i pikëve të disa kandidatëve është i barabartë, zgjedhja e kandidatëve do të bëhet në bazë të suksesit të përgjithshëm nga shkolla e mesme. Nëse edhe pas kësaj do të kemi të njëjtën dukuri, merret sukcesi nga lëndët e ngushta profesionale. Nëse dukuria e numrit të barabartë të pikëve përsëritet, zgjedhjen e kandidatëve (deri te numri i paraparë për regjistrim) do ta bëjë komisioni përkatës i fakultetit.

Fakultetet janë të obliguara që tërë ranglistën e kandidatëve të cilët kanë konkurruar t'ia dërgojnë Rektoratit të Universitetit.

Për funksionimin e departamentit, seksionit, degës apo drejtimit të fakultetit është i nevojshëm numri minimal prej 20 studentëve, përveç Fakultetit të Arteve, ku grupi mund të formohet edhe me më pak studentë.

Regjistrimi i studentëve të pranuar në vitin e parë bëhet në Administratën Qendrore të Universitetit, sipas orarit të përcaktuar me këtë konkurs.

AFATET E KONKURSIT

Për regjistrimin e studentëve në vitin e parë të studimeve datat e sendërtimit të konkursit janë si vijon:

Paraqitja e dokumenteve zgjat prej datës 01. 10. 2010 deri më 09. 10. 2010
Provimi pranues do të mbahet më 12. 10. 2010, në orën 9:00
Shpallja e rezultateve të provimit pranues do të bëhet më 14. 10. 2010.

Regjistrimi i kandidatëve të pranuar do të bëhet sipas fakulteteve dhe këtij orari:

- Fakulteti Filozofik, Fakulteti i Shkencave Matematiko-Natyrore dhe Fakulteti i Filologjisë, më **18. 10 . 2010** prej orës **9:00 - 15:00** në Amfiteatrin e Fizikës së FSHMN-së,
- Fakulteti Juridik Qendra në Prishtinë, Fakulteti Ekonomik Qendra në Prishtinë, Fakulteti i Arteve, Fakulteti i Kulturës Fizike dhe Sportit dhe Fakulteti i Edukimit Qendra në Prishtinë më **19. 10 . 2010**, prej orës **9:00 – 15:00** në Fakultetin e Edukimit në Prishtinë,
- Fakulteti i Ndërtimtarisë dhe Arkitekturës, Fakulteti i Inxhinierisë Elektrike dhe Kompjuterike, Fakulteti i Inxhinierisë Mekanike dhe Fakulteti i Mjekësisë më **20 . 10 . 2010**, prej orës **9:00 -15:00** në Fakultetet Teknike.
- Fakulteti i Bujqësisë më **21. 10 . 2010** prej orës **9:00 - 15:00** në Fakultetin e Bujqësisë
- Fakulteti i Edukimit Qendra në Gjilan, Fakulteti Juridik Qendra në Gjilan dhe Fakulteti Ekonomik Qendra në Gjilan më **21. 10. 2010**, prej orës **10:00 -14:00** në Fakultetin e Edukimit në Gjilan,
- Fakulteti i Xehetarisë dhe Metalurgjisë në Mitrovicë, Fakulteti i Shkencave Teknike të Aplikuara në Mitrovicë më **21. 10 .2010** prej orës **10:00-14:00** në Fakultetet përkatëse
- Fakulteti i Shkencave të Aplikuara në Biznes në Pejë, Fakulteti Juridik Qendra në Pejë në Fakultetin e Shkencave të Aplikuara në Biznes në Pejë më **21. 10 .2010** prej orës **10:00-14:00** në Pejë,
- Fakulteti i Shkencave Teknike të Aplikuara në Ferizaj prej **18-20. 10. 2010**, prej orës **09:00-14:00** në Fakultetet ku bëhet regjistrimi i studentëve.

Regjistrim të kandidatëve jashtë këtyre afateve nuk do të ketë, prandaj luten kandidatët e pranuar që t'i përmbahen afatit të lartcekur.

Kandidatët e pranuar për regjistrim duhet të paraqesin:

1. Fletëregjistrimin e plotësuar, i cili merret me rastin e regjistrimit,
2. Tri fotografi (formati 4.5 x 6 cm), të cilat duhet të jenë sipas normave dhe rregullave për dokumente personale.

3. Pagesa për një semestër në lartësi prej **75 €** për studime të rregullta, respektivisht **250€** për studime me korrespondencë.

Pagesa bëhet në një rën prej bankave afariste me fletëparaqitje për pagesë, e cila merret në fakultet.

Me rastin e paraqitjes për pranim, kandidatët duhet t'i sjellin këto dokumente origjinale:

- Certifikatën e lindjes (nuk është me rëndësi data e lëshimit të saj),
- Dëftesat e të gjitha klasave të shkollës së mesme,
- Diplomën e kryerjes së shkollës së mesme ose dëftesën e maturës, nëse ka patur provim të maturës,
- Vendimin mbi njohjen e shkollimit jashtë vendit,
- Pagesën prej **10 €**. Forma e pagesës merret në fakultetin përkatës, ndërsa pagesa bëhet në bankë.

Të gjithë kandidatët në provim pranues duhet ta kenë me vete vetëm lejen e njoftimit.

Shtetasit e huaj, që nuk e kanë mbaruar shkollimin e mesëm në gjuhën shqipe, përveç dokumenteve të lartcekura, paraqesin edhe dëshminë mbi njohjen e gjuhës shqipe. Paraqitja e dokumenteve për Fakultetin e Edukimit bëhet nëpër qendra.

Njoftimet dhe programet për provimet pranuese mund të merren në fakultetet përkatëse.

Kandidatëve u rekomandohet që para paraqitjes në konkurs të kenë kopje të mjaftueshme të dokumenteve, sepse dokumentet origjinale nuk do të mund t'i tërheqin deri në diplomim apo çregjistrim nga fakulteti.

Në departamentet, degët dhe drejtimet ku nuk plotësohet numri i kandidatëve të paraparë me këtë konkurs, do të shpallet konkursi plotësues.

Për informata më të hollësishme kandidatët mund t'u drejtohen fakulteteve përkatëse ose të hapin faqen e internetit: www.uni-pr.edu

I. FAKULTETI FILOZOFIK-PRISHTINË

Në vitin e parë të studimeve do të regjistrojë **26** studentë me korrespondencë:

Departamenti i Filozofisë	17
Departamenti i Historisë	9

PROVIMI PRANUES

Provimi pranues mbahet nga lëndët e lëmit të ngushtë profesional të degëve mësimore të fakultetit dhe atë:

- Në Departamentin e Filozofisë nga Filozofia dhe Sociologjia;
- Në Departamentin e Pedagogjisë nga Edukata qytetare, Psikologjia dhe Filozofia;
- Në Departamentin e Historisë nga Historia e botës, Historia e popullit shqiptar dhe Edukatë qytetare
- Në Departamentin e Shkencave Politike nga Sociologjia, Filozofia dhe Edukata qytetare.
- Në Departamentin e Sociologjisë nga Sociologjia dhe Filozofia.
- Në Departamentin e Psikologjisë nga Psikologjia, Filozofia dhe Verifikimi i aftësive të përgjithshme për studime.
- Në Departamentin e Etnologjisë dhe Antropologjisë Kulturore nga Historia, Letërsia dhe Sociologjia.

II. FAKULTETI I SHKENCAVE MATEMATIKE-NATYRORE - PRISHTINË

Në vitin e parë të studimeve do të regjistrojë **719** studentë të rregullt, dhe atë:

Departamenti i Matematikës	257
Drejtimi Arsimor	123
Drejtimi i Përgjithshëm	69
Drejtimi Shkencat Kompjuterike	65
Departamenti i Fizikës	224

Drejtimi Arsimor	113
Drejtimi Inxhinierik	111
Departamenti i Kimisë	161
Drejtimi Arsimor	115
Drejtimi Inxhinierik	46
Departamenti i Biologjisë	77
Drejtimi Arsimor	61
Drejtimi Ekologji-Mbrojtje e ambientit	16

PROVIMI PRANUES

Provimi pranues mbahet nga lëndët e lëmit të ngushtë profesional të departamentit përkatës të fakultetit dhe atë:

- Në Departamentin e Matematikës nga Matematika;
- Në Departamentin e Fizikës nga Fizika;
- Në Departamentin e Kimisë nga Kimia dhe Matematika;
- Në Departamentin e Biologjisë nga Biologjia dhe Kimia;
- Në Departamentin e Gjeografisë nga Gjeografia.

III. FAKULTETI I FILOLOGJISË-PRISHTINË

Në vitin e parë të studimeve do të regjistrojë **189** studentë, prej të cilëve **136** të rregullt dhe **53** me korrespondencë:

	Për studime të rregullta	Për studime me korrespondencë
Qendra në Prishtinë	136	53
Dega e Gjuhës Shqipe	0	8
Dega e Letërsisë Shqipe	0	19
Dega e Gjuhës dhe Letërsisë Frënge	68	6
Dega e Orientalistikës	33	10
Dega e Gjuhës dhe Letërsisë Turke	35	10

PROVIMI PRANUES

Provimi pranues mbahet nga lëndët e lëmit të ngushtë profesional të degës përkatëse të fakultetit dhe atë:

- Në Degën e Gjuhës Shqipe nga Gjuha shqipe (me shkrim);
- Në Degën e Letërsisë Shqipe nga Letërsia shqipe (me shkrim);
- Në Degën e Gjuhës dhe Letërsisë Angleze nga Gjuha angleze (me shkrim);
- Në Degën e Gjuhës dhe Letërsisë Gjermane nga Gjuha gjermane (me shkrim);
- Në Degën e Gjuhës dhe Letërsisë Frënge nga Gjuha frënge (me gojë);
- Në Degën e Orientalistikës nga Gjuha arabe (me gojë);
- Në Degën e Gjuhës dhe Letërsisë Turke nga Gjuha turke (me gojë);
- Në Degën e Gazetarisë provimi pranues mbahet në formë testi nga lëmenjtë: Gjuhë shqipe, Letërsi shqipe, Qytetërim shqiptar, Qytetërim botëror dhe Ese.

IV. FAKULTETI JURIDIK-PRISHTINË

Në vitin e parë të studimeve do të regjistrojë **148** studentë me korrespondencë dhe atë:

Qendra në Gjilan	66
Qendra në Pejë	82

PROVIMI PRANUES

Provimi pranues mbahet nga lëndët: Filllet e së drejtës, E drejta kushtetuese dhe Gjuhë shqipe.

V. FAKULTETI EKONOMIK-PRISHTINË

Në vitin e parë të studimeve do të regjistrojë **88** studentë me korrespondencë:

Qendra në Gjilan	88
Departamenti Financa, Banka dhe Kontabilitet	51
Departamenti Menaxhment dhe Informatikë	37

PROVIMI PRANUES

Provimi pranues mbahet nga lëndët: Hyrje në ekonomi, Matematikë.

VI. FAKULTETI I NDËRTIMTARISË DHE ARKITEKTURËS-PRISHTINË

PROVIMI PRANUES

Provimi pranues mbahet nga Matematika, ndërsa në Departamentin e Arkitekturës edhe nga Perceptimi i hapësirës dhe Vizatimi i lirë(sllajdi).

Për tu ranguar kandidati duhet të arrijë 30% nga pikët e parapara për secilën pjesë të provimit kualifikues.

VII. FAKULTETI I INXHINIERISË ELEKTRIKE DHE KOMPJUTERIKE-PRISHTINË

Në vitin e parë të studimeve do të regjistrojë **329** studentë të rregullt dhe atë:

Departamenti i Kompjuterikes	51
Departamenti i Telekomunikacionit	55
Departamenti i Automatikës	78
Departamenti i Sistemeve Elektroenergjetike	66
Departamenti i Elektroenergjetikes Industriale	79

PROVIMI PRANUES

Provimi pranues mbahet nga lënda Matematikë

VIII. FAKULTETI I INXHINIERISË MEKANIKE-PRISHTINË

Në vitin e parë të studimeve do të regjistrojë **532** studentë të rregullt dhe atë:

Departamenti i Prodhimtarisë dhe Automatizimit	172
Departamenti i Termoteknikës dhe Termoenjergjetikës	154
Departamenti i Konstruktimit dhe Disajnit	159
Departamenti i Komunikacionit	47

PROVIMI PRANUES

Provimi pranues mbahet nga lënda Matematikë

IX. FAKULTETI I MJEKËSISË-PRISHTINË

PROVIMI PRANUES

- Provimi pranues për Degën e Mjekësisë së përgjithshme, për Degën e Stomatologjisë dhe për Degët Infermieri dhe Mami mbahet nga lëndët: Kimi dhe Biologji.

- Provimi pranues për Degën e Farmacisë dhe Degën e Fizioterapisë mbahet nga lëndët: Kimi, Biologji dhe Fizikë.

X. FAKULTETI I ARTEVE-PRISHTINË

Në vitin e parë të studimeve do të regjistrojë **39** studentë të rregullt:

Dega e Artit Muzikor	36
Komponim	2
Dirigjim	4
Piano	1
<i>Drejtimi i Instrumenteve Harkore</i>	12
Violinë	4
Violë	2

Violonçeli	3
Kontrabas	1
Harfa	1
Kitarë	1
<i>Drejtimi i Instrumenteve me të fryrë</i>	<i>17</i>
Klarinetë	4
Trompetë	1
Trombon	3
Tube	3
Fagot	3
Obo	3
<i>Dega e Artit Dramatik</i>	3
Drejtimi Dramaturgj	1
Drejtimi Regji teatri	2

KUSHTET E REGJISTRIMIT

Përveç kushteve të përbashkëta të përcaktuara me konkurs, kandidatët e paraqitur në konkurs për regjistrim në Fakultetin e Arteve duhet t' i plotësojnë edhe këto kushte:

NË DEGËN E ARTIT FIGURATIV

Për përcaktimin e talentit për krijimtari artistike, kushtet e veçanta për studim në Degën e Artit Figurativ janë:

- Drejtimi i Pikturës: 5 punime të punuara sipas modelit (studimi i kokës dhe figura në përpjesëtime natyrore) dhe së paku 5 punime sipas zgjedhjes së lirë (natyrë e qetë, peizazh, kompozicion etj).

- Drejtimi i Skulpturës: së paku 5 punime nga skulptura sipas modelit, prej të cilave një duhet të jetë studimi i kokës në përpjesëtime natyrore dhe së paku 5 vizatime sipas modelit.

- Drejtimi i Grafikës: së paku 5 punime sipas modelit (studimi i kokës dhe figurës në përpjesëtime natyrore) dhe së paku 5 punime sipas zgjedhjes së lirë (natyrë e qetë, peizazh, kompozicion etj.).

- Drejtimi i Dizajnit Grafik: së paku 5 vizatime sipas modelit (studimi i kokës dhe figurës në përpjesëtime natyrore), si dhe 5 punime nga dizajni grafik (ilustrime, kopertona të librit, ambalazhe etj.).

- Drejtimi i Skenografisë: 10 projekte (skenografi), skica të skenografisë për dramë të caktuar, një skenografi të inskenuar në hapësirë të caktuar.

Kandidatët i shtrohen provimit pranues si vijon:

- Në Drejtimin e Pikturës dhe në Drejtimin e Grafikës: vizatim i kokës sipas modelit të gjallë (2 ditë), vizatim i aktit (2 ditë) dhe pikturim i natyrës së qetë (1 ditë).

Kandidatët punojnë me material të tyre.

- Në Drejtimin e Skulpturës: modeli i kokës sipas modelit të gjallë (3 ditë), vizatim i aktit (2 ditë).

- Në Drejtimin e Dizajnit Grafik: vizatimi i kokës sipas modelit të gjallë (2 ditë), vizatimi i aktit (2 ditë) dhe dizajn grafik (2 ditë). Kandidatët i nënshtrohen testimit nga njohja e përdorimit të kompjuterit.

NË DEGËN E ARTIT MUZIKOR

Kandidatët i shtrohen provimit pranues si vijon:

- Në Drejtimin e Kompozimit: vlerësimi i 3 kompozimeve të dorëzuara, provimi nga lëndët Solfegjo, Harmonia, Polifonia dhe Pianoja.

- Në drejtimet instrumentale provimi nga lëndët kryesore (një koncert, një sonatë dhe një pjesë e lirë për drejtimet e harkorëve dhe frymorëve, kurse për drejtimin e pianos një etidë, pjesa nga Baroku, sonatë dhe pjesë e lirë) si dhe provim nga lëndët: Solfegjo dhe Teoria e muzikës.

- Në Drejtimin Perkusione provimi nga lëndët Solfegjo dhe Teori e muzikës.

NË DEGËN E ARTIT DRAMATIK

Për verifikimin e aftësive të veçanta, kandidatët do të japin këto provime:

Drejtimi Aktrim:

Programi eliminues, pjesa e parë përbëhet nga:

- Recitim (sipas zgjedhjes së kandidatit);
- Monolog (sipas zgjedhjes së kandidatit);

- c) Tregim i shkurtër popullor (sipas zgjedhjes së kandidatit);
- d) Një këngë;
- e) Një imitim;
- f) Një poezi.

Kandidati është i obliguar që t'i mësojë përmendësh dhe t'i përgatisë detyrat. Komisioni, pas programit të shfaqur, mund t'i shtrojë kandidatit edhe detyra plotësuese (improvizime), për të fituar bindje sa më të plotë për aftësitë e kandidatit.

Pjesa e dytë e programit eliminues përbëhet nga: puna me mësimdhënës të caktuar, hartimi i detyrës me shkrim dhe verifikimi përfundimtar i aftësive.

Drejtimi Regji Teatri dhe Filmi

Kandidatët të cilët konkurrojnë për Regji të teatrit duhet:

- të sjellin një ide regjisoriale për një shfaqje dhe
- t'i shtrohen testit nga kultura e përgjithshme për teatrin.

Kandidatët të cilët konkurrojnë për Regji filmi duhet:

- t'i shtrohen testit me pyetje të kulturës së përgjithshme, në veçanti nga arti dhe kryesisht nga filmi,
- të përgatisin sinopsis me shkrim të temën e dhënë në pjesën e parë të provimit.

Tema jepet menjëherë pas testit në provim.

Kandidatët që kalojnë në pjesën e dytë, mbrojnë para komisionit punimet e veta.

Kandidatët që kalojnë në pjesën e tretë janë të detyruar të gjirojnë vet, në temën e dhënë për film prej tre minutash.

Literatura e preferuar:

- Georg Sodull – “Historia e filmit”,
- Abaz Hoxha – “Historia e filmit shqiptar”
- Luis Herman – “Skenar i filmit dhe i televizionit”,
- Jezhi Plazhevski – “Gjuha e filmit”
- Fadil Hysaj – “Teatrollogji, dramaturgji, regji dhe aktrim”.

Drejtimi Dramaturgji:

1. Hartim me shkrim në temën e lirë,
2. Dialogu me shkrim në temën e tragjedisë,
3. Dialogu me shkrim në temën e komedisë,
4. Testimi me gojë lidhur me njohuritë nga sfera e kulturës së përgjithshme,
5. Testim me gojë nga fusha e dramaturgjisë.

Literatura për provim pranues:

1. Aristoteli: “Poetika”
2. Vlladan Shvacov: “Bazat e dramaturgjisë”
3. Dr. Nebi Islami: “Historia e dramës kombëtare 1886-1996”
4. Dr. Josif Papagjoni: “Komedi që vjen nga skena”
5. Eskili: “Orestia”
6. Sofokli: Një tragjedi
7. Aristofani: Një komedi
8. Shekspiri: Një tragjedi
9. Moliere: Një komedi
10. Dramaturgji nga tradita: Anton Santori, Sami Frashëri, Kristo Floqi etj.
11. Dramaturgji bashkëkohore: Anton Pashku, Haqif Mulliqi, Rexhep Qosja, Ymer

Shkreli, Flamur Hadri, Ekrem Kryeziu, Nebih Islami, Kasëm Terbeshina etj.

XI. FAKULTETI I BUJQËSISË DHE VETERINARISË-PRISHTINË

Në vitin e parë të studimeve do të regjistrojë **430** studentë të rregullt dhe atë:

Drejtimit e Bujqësisë	383
Blegtori	116
Lavërtari-Perimtari	84
Mbrojtja e bimëve	55
Pemëtari-Vreshtari	128
Drejtimi i Veterinarisë	47

PROVIMI PRANUES

Provimi pranues për Drejtimit e Bujqësisë do të mbahet nga lëndët: Kimi, Biologji dhe Matematikë.

Provimi pranues për Drejtimin e Veterinarisë do të mbahet nga lëndët: Kimi dhe Biologji.

XII. FAKULTETI I XEHETARISË DHE METALURGISË-MITROVICË

Në vitin e parë të studimeve do të regjistrojë **407** studentë të rregullt dhe atë:

Departamenti i Xehetarisë	114
Departamenti i Gjeologjisë	104
Departamenti i Teknologjisë	89
Drejtimet e tjera	89
Departamenti për Materiale dhe Metalurgji	100

PROVIMI PRANUES

Provimi pranues mbahet nga lënda: Matematikë

XIII. FAKULTETI I KULTURËS FIZIKE DHE SPORTIT-PRISHTINË

Në vitin e parë të studimeve do të regjistrojë **10** studentë të rregullt femra

PROVIMI PRANUES

Përmbajtja dhe mënyra e dhënies së provimit pranues është:

1. Gjendja Psiko-Somatike (verifikimi shëndetësor, të folurit, të shikuarit, të dëgjuarit, konstruksioni trupor).
2. Not
3. Aftësitë lëvizore (motorike):
 - Kërcimi nga vendi në gjatësi,
 - Ngritja me forcë në hekur (meshkujt),
 - Përkulje mbi krah (femrat),
 - Shpejtësia në 100 m (matet koha e vrapimit- meshkujt dhe femrat),
 - Qëndrueshmëria në 1000 m(meshkujt) dhe 800 m (femrat) - matet koha e vrapimit,
 - Bashkërendimi (koordinimi lëvizor),
 - Ndjeshmëria ritmike.
4. Njohuritë lëvizore(motorike) sportive:
 - Futboll: puna me top-këmbë dhe kokë
 - Hendboll: pasimet, trehapëshi dhe goditja në portë
 - Basketboll: pasimi me dy duar, driblimi i topit me një dorë, dyhapëshi dhe gjuajtja në kosh.
 - Volejboll: pasimi i topit në çifte me gishta dhe llëra (çekan), gjuajtja dhe pranimi i topit.
5. Gjymnastikë sportive - Lëvizjet me trup të lirë: ekuilibri ballor, vertikalja mbi duar, kapërdimi para, rrotullimi anësor në të dy anët ose ylli (meshkujt dhe femrat).
Paralele: mbështetje mbi krah, me lëkundje ngritje-para, dalje me trup të shtrirë prapa.

Kandidatët janë të obliguar që në provim të kenë pajisjet sportive.

XIV. FAKULTETI I EDUKIMIT- PRISHTINË

Në vitin e parë të studimeve do të regjistrojë **14** studentë të rregullt dhe atë:

Qendra në Prizren	14
Programi i arsimit fillor në Gj. Boshnjake	8
Programi parashkollor në Gj. Boshnjake	6

PROVIMI PRANUES

Provimi pranues për Programin fillor dhe Programin parashkollor do të mbahet nga lëndët: Gjuhë shqipe, Matematikë dhe testi i të lexuarit të kuptimshëm.

Provimi pranues për programin për Shkollën e mesme të ulët përbëhet prej:

1. Testi nga lëndët profesionale **64** pikë

2. Testi i të lexuarit të kuptimshëm 16 pikë
 Provimi është me shkrim.

XV. FAKULTETI I SHKENCAVE TË APLIKUARA TË BIZNESIT NË PEJË

Në vitin e parë të studimeve do të regjistrojë **23** studentë me korrespondencë:

Departamenti Kontabilitet dhe financa	10
Administrimi i Biznesit (gjuhë boshnjake)	13

PROVIMI PRANUES

Provimi pranues për të gjitha departamentet përgatitet nga Manuali i përpiluar enkas për vitin akademik 2010/2011, i cili gjendet në skriptoren e FSHAB-së në Pejë.

XVI. FAKULTETI I SHKENCAVE TEKNIKE TË APLIKUARA NË MITROVICË

Në vitin e parë të studimeve do të regjistrojë **248** të rregullt dhe atë:

Departamenti i Informatikës Inxhinierike	70
Departamenti i Makinerisë Industriale	178

PROVIMI PRANUES

Provimi pranues mbahet nga lënda Matematikë

XVII. FAKULTETI I SHKENCAVE TEKNIKE TË APLIKUARA FERIZAJ

Në vitin e parë të studimeve do të regjistrojë **270** studentë të rregullt dhe atë:

Departamenti i Makinerisë	122
Profili - Teknika e përpunimit të materialeve artificiale (Plastmasa)	122
Departamenti i Industrisë së drurit	148
Profili-Përpunimi i drurit	148

PROVIMI PRANUES

Provimi pranues mbahet nga lënda Matematikë

Universiteti i Prishtinës do të pranojë edhe 181 studentë nga Shqipëria, Maqedonia dhe Mali i Zi dhe atë:

Nr.	Fakulteti-Departamenti-Dega-Drejtimi	Mali i Zi	Shqipëri	Maqedoni
1	Filozofik	6	0	7
Departamenti	Filozofi	2	0	1
	Pedagogji	1	0	3
	Drejtimi Pedagogji e përgjithshme	0	0	1
	Drejtimi Pedagogjia sociale	1	0	1
	Histori	1	0	1
	Shkenca politike	0	0	1
	Sociologji	1	0	0
	Psikologji	0	0	1

	Etnologji dhe Antropologji kulturore	1	0	0
2	i Shkencave Matematiko-Natyrore	9	5	5
	Departamenti i Matematikës	3	2	1
	Departamenti i Fizikës	2	1	1
	Departamenti i Kimisë	2	1	1
	Departamenti i Biologjisë	1	0	1
	Departamenti i Gjeografisë	1	1	1
3	i Filologjisë	10	3	6
	Qendra ne Prishtinë	8	2	2
Dega	Gjuhë shqipe	1	0	0
	Letërsi shqipe	1	0	0
	Gj.dhe letërsi angleze	1	0	0
	Gj. dhe letërsi gjermane	1	1	1
	Gj. dhe letërsi frenge	1	1	1
	Orientalistikë	1	0	0
Dega	Gjuhë dhe letërsi turke	1	0	0
	Gazetari	1	0	0
	Qendra në Gjakovë	2	1	4
Dega	Gj.dhe letërsi angleze	1	0	2
	Gjuhë shqipe	1	1	2
4	Juridik	7	3	5
Qendra ne	Prishtinë	0	0	1
	Gjilan	2	0	1
	Pejë	5	3	3
5	Ekonomik	3	1	5
	Qendra ne Prishtinë	0	0	2
	Qendra ne Gjilan	3	0	0
rtame nti	Financa, banka dhe kontabilitet	2	0	0
	Menaxhment dhe informatikë	1	0	0
6	i Ndërtimtarisë dhe Arkitekturës	2	1	2
en ti	Departamenti i Ndertimtarisë	2	0	1
	Departamenti i Arkitektures	0	1	1
7	i Inxhinierisë Elektrike dhe Kompjuterike	1	3	3
Departa menti	i Kompjuterikës	0	1	1
	i Telekomunikacioni	1	1	1
	i Elektronikës	0	1	1
8	i Inxhiniersë Mekanike	2	1	1
9	i Mjekësisë	5	2	1
Dega	Mjekësia e Përgjithshme	2	0	0
	Stomatologjia	1	1	0
	Farmacit	1	0	0
	Fizioterapia	1	0	0
	Mami	0	1	1
10	i Arteve	2	2	3
	Dega Arti Figurativ	1	1	1
	Dega Arti Muzikor	1	1	1
	Dega Arti Dramatik	0	0	1
11	i Bujqësisë	5	5	5
	Drejtimet e Bujqësisë	3	3	3
	Drejtimi i Veterinarisë	2	2	2

12	i Xehetarisë dhe Metalurgjisë	3	2	2
13	i Kultures Fizike dhe Sportit	1	3	3
14	i Edukimit-Të gjitha qendrat	11	2	8
16	i Shkencave të Aplikura të Biznesit në Pejë	3	3	3
17	i Shkencave Teknike të Aplikuara në Mitrovicë	3	3	3
	Informatikë Inxhinierike	1	0	0
	i Makinerisë Industriale	2	0	0
21	i Shkencave Teknike të Aplikuara në Ferizaj	3	2	2
	Gjithsej	76	41	64

Kandidatë jokosovarë, sipas këtij konkursi, konsiderohen të gjithë ata të cilët shkollimin e mesëm e kanë kryer në shtetet për të cilat janë përcaktuar kuatat.

Universiteti i Prishtinës, për mësim në gjuhën shqipe, do të pranojë edhe 139 studentë nga pjesëtarët e komuniteteve: turq, boshnjakë, romë, ashkalinj dhe egjiptianë dhe atë:

Nr.	Fakulteti	Bashnjak	RAE	Turq
1	Filozofik	3	1	1
2	i Shkencave Matematiko-Natyrore	3	4	2
3	i Filologjisë	0	3	3
4	Juridik	6	6	0
5	Ekonomik	2	4	0
6	i Ndërtimtarisë dhe Arkitekturës	1	1	0
7	i Inxhinierisë Elektrike dhe Kompjuterike	5	4	4
8	i Inxhinierisë Mekanike	0	1	1
9	i Mjekësisë	8	6	12
10	i Arteve	3	3	1
11	i Bujqësisë	4	3	2
12	i Xehetarisë dhe Metalurgjisë	3	3	2
13	i Kultures Fizike dhe Sportit	2	3	1
14	i Edukimit	6	7	2
16	i Shkencave të Aplikuara të Biznesit në Pejë	1	7	1
17	i Shkencave Teknike të Aplikuara në Mitrovicë	0	1	1
21	i Shkencave Teknike të Aplikuara në Ferizaj	1	0	1
	Gjithsejt	48	57	34

Kandidatët nga minoritetet me rastin e konkurrimit duhet të kenë dëshminë se i përkasin atij minoriteti. Dëshmia merret në Shoqatën e minoritetit përkatës.